

Relatos sobre la vida en Diuxi

[El lenguaje utilizado en esta edición no está vigente pero es útil como antecedente de las ediciones posteriores]

[El lenguaje utilizado en esta edición no está vigente pero es útil como antecedente de las ediciones posteriores]

Relatos sobre la vida en Diuxi

en mixteco de San Juan Diuxi

[El lenguaje utilizado en esta edición no está vigente pero es útil como antecedente de las ediciones posteriores]

Publicado por el
Instituto Lingüístico de Verano
Méjico, D.F.
1980

esta edición de prueba consta de 100 ejemplares

[El] lenguaje utilizado en esta edición no está vigente pero es útil como antecedente de las ediciones posteriores

primera edición
Relatos sobre la vida en Diuxí
en mixteco de San Juan Diuxí
80-008 México, D.F. IC
 1980

Introducción

Este libro presenta una colección de relatos narrados por personas que hablan el mixteco de San Juan Diuxi y Santiago Tilantongo, distrito de Nochixtlán, Oaxaca.

Estos relatos nos hablan acerca de cómo era la vida en Diuxi hace muchos años y cómo es ahora. El tema general de cada relato está indicado en español en el índice.

Índice

Cómo fue que la gente vino a Diuxi	5
Cómo vivieron nuestros antepasados	6
Cómo se formó el pueblo de Diuxi	11
El día que tuve mucho miedo	12
Sembrando trigo	14
Recogiendo trigo	16
Lo que sucedió a un hombre que fue a la montaña	17

[El lenguaje utilizado en esta edición no está vigente pero es útil como antecedente de las ediciones posteriores]

Janda N-cuu Xa N-ca Quixee Ñayiu Diuxi

Ca jah-i xa ii ña Nutnu n-quee. Juaha-ña ija. N-quida raza-ña. Ca jah-i xa diuni n-xehé ñayiu Saq Miguel. N-xeh-i. N-quida raza-i tucu. N-xehé ii ña Chilapa tucu. N-xehé ii ña Guadalajara tucu xihi iiñña Solorenzu xihi iica ñayiu iica ñuú.

Solndadu n-ca cuu yii-ña. Ija n-ca nitnaha-ña xihi-te. Ija ndéca ñaha-te ca xee Diuxi. Ija n-cacu dahia-ña. Xija cuu xa n-cuu cuehe ñayiu.

Nanda N-cuu Cuia N-ca xo tuu Ñayiu Xa Naha

Vuelu xahnu-ro, te xa n-quixi xa n-cuu cuehe cuia xihij vuelo xatnu-ro, ña n-quixi xa n-cuu cuehe cuia n-yaha-ro. Cuia (xa n-cuu cuehe cuia), cuia ijá n-ca xo jahq ñayiu xahnuca xa n-ca xo najani teijá nuu vuelo xahnuca n-quixi xa n-cuu cuia. Ijá n-ca xo najani-i xa xeyucu na cuaha catuu vehe xcuela ijá.

Ijá n-xio yutnu n-daa xeyucu ijá. Ijá n-xio yutnu cachi. Xa yutnu ijá n-xo juuy cachi te ijá n-ca xo tnii ñayiu-já cachi-já. Te n-ca xo xaja yichi-i cachi ja. Te n-ca xo cane-i cachi-já te cachi ijá n-ca yo cagua-i yuha. Te n-ca xo xetniu-i yuha ijá xa cada vah-i dahma-i o cada vah-i ñadio-i. Chi cachi vaha cuu cachi ijá. Te hijca nuu cachi-já—yutnu ijá, n-xo cuu cachi uu. Ca jahq ñayiu xa daa nani cachi ijá, xa daa n-ca xo jahq te xahnuca xihij ña xahnca n-ca xo cuu vuelo-ro, vuelo-ro xa jooy cachi ijá cuu cachi uu. Te ña xini-ro nux n-ca xo xetniu ñayiu cachi ijá co diuni n-xio nuu cachi ijá.

Te diuni ca jahq ñayiu xa n-ca xo ndeca-i quiti cuu tndacu. Tndacu ijá n-ca xo ndeca ñayiu ijá

te n-ca xo xido-i meni ndaha tnuneñu, —ndaha tnuneñu cuii. Yutnu cuu ndaha tnuneñu dij. Yutnu ija n-ca xo xiahq ñayiu xa caxi tndacu-ja te n-ca xo xaxi tndacu-ja. Te n-ca xahnu-ti. Hora n-ca xahnu xa n-cuxahnu-ti te n-ca xo quida vaha dahma-ti —ñahma cuixi, ñahma cuaq cuu ñahma quiti ija. Te cuehe xa cuehe ñahma quiti ija. N-ca xo quida vaha-te ii yuu cahnu. Duha n-xo xio co ñayiu ija n-xo xetniu yuu xee. Yuu, ña tuu n-xetniu ñayiu yuu ija. N-ca xo xetniu-i xa cagua tndacu-ja te ija chiyoh-i ii yoho cada taca-i. Dagua xiti vehe teija n-xo tuu mee quiti xa cada vaha-ti ñahma-ti-ja. N-quida vaha-ti xa n-ca quida-ti tniu ija xa n-cuaha ñahma, te ija n-ca xo nduu-ti cugua te nunya n-xio ndij*i*-ti. D*uni* n-xio ndij*i*-ti te n-ca xo dandoo ñayiu xa ndutata-i ñahma. Xija n-ca xo xee dico-i nunya. N-ca xo xata cuha-i ii libra. Te xa cuu ii libra-ja, xija cuu dagua kilo. Te xa cuu uu libra-ja, xija cuu ii kilo. Te ija n-ca xo xe dico-i Nundugua o ndexu cuu nuu n-ca dico ñayiu ija. Co ñahma tndacu-te, yahu xa yahu ñahma quiti ija tiempu-ja chi xa xehe xa ñahma quiti ija n-xo quee dahma seda. Dahma vaha xa cuu dahma vahaca ca jahq ñayiu. Dahma nduhá ca jah-i. Dahma ija n-xo quee ñahma quiti ija. Xija cuu n-xo xetata ñayiu tndacu-ja xa nani tndacu seda. N-ca xo jahq ñayiu.

Xija n-ca xo quida ñayiu ijá xa n-xo nihi-i céntau.

Te n-daa ndatniu n-xo xetniu ñayiu ijá chi n-xio yoo caxi. Ca jahá ñayiu xa yoo ijá nani yoo caxi te xija n-xo cuu yoo-i.

Te coh-i-já n-xo cuu coho ñuhu-ña xa cuu chéhé ca jahá ñayiu. Xija n-xo xetniu ñayiu ijá. Te color chéhé-ja n-xo cuu color cuehe xíhi color azul co ña tuu azul chi ñuhá cuu cohó ijá n-xo xetniu ñayiu. Te quidi-i-já, n-xo cuu diuni meni quidi-i ñuhu. N-ca xo xetniu ñayiu ijá. Dico xa ña tuu caa na caa quidi Nundugua xa io xa cuii o io duxa cuii. Guidi Nundugua, tndohó Nundugua xa n-xo xetniu ñayiu ijá chi meni ñuhuni n-xo cuu coh-i. N-xo cuu quidi. N-xo cuu tndoh-i. N-xo cuu.

Te yodo-i n-xo cuu yodo titndi. Te ndaha yodo-ja, cani ndaha yodo-ja. Na tuu caa ndaha yodo-ja na caa yodo vitna chi tucu xndaa yodo io vitna co antes yodo n-xetniu ñayiu ijá, chi tucu n-caa yodo n-ca xo xetniu ñayiu antes—vuelu-ro, vuelu-ro chi tucu caa yodo n-ca xo xetniu-ña. Te ndii xa ndii yodo-ña. Na tuu ndaa yuu yodo ijá na caa yodo io vitna chi ndaa yuu yodo xetniu ñayiu vitna co yodo n-xetniu ñayiu ijá chi yodo yuu ndii xa ndii cuu yodo ijá. Co ña tuu ca yodo ijá io.

Te chaha n-xo xihi ñayiu ndute. Meni chaha n-xo xetniu ñayiu. Na n-xo xetniu ñayiu plástico xa io

vitna chi meni chaha meni *xija* n-ca xo xetniu ñayiu o yutnduu ca jah-i. *Xija* n-xo xetniu ñayiu xa coh-i ndute xa ca neh-i *jihí* yucu. *Xija* ca neh-i *jihí* xa *juhú* ndute coh-i chaha-ja, yutndu-ja. *Xija* n-xo xetniu ñayiu-ja tiempu *ija*.

Vehe ñayiu *ija* ña tuu ca na caa vehe vitna chi vitna chi meni vehe ñuhu, meni vehe ndoho, meni vehe teja, meni ca xetniu ñayiu vitna. Te ñayiu *ija*, n-xetniu-i meni vehe ndayoho, meni vehe ite, meni vehe yacu. Daa nani xa n-xo quida vaha ñayiu-ja veh-i. Ca *jah-i* xa vehe *ija* n-ca xo xetniu-i antecas. Te vehe-ja, nani vehe todo—nani ii. Te iica nani vehe uu doho. Nani vehe *ija*. Te vehe *ija*, n-ca xo xetniu ñayiu. Te vitna chi vehe xetniu ñayiu ñuu-ro *ija* nani vehe ndiyí. Vehe ndiyí nani vehe *ija*. Te ña tuu n-xetniu ñayiu *ija* vehe-ja chi tucu caa vehe n-ca xo xetniu ñayiu *ija*.

Vuelu *ija* n-ca xo xaxi. *Djuni* n-ca xo xaxi-i ndeyu nduchi. N-ca xo xaxi-i. N-xio nuni-i, triu-i, nduchi-i. N-daa n-ca xo xaxi nahi ñayiu *ija*. Co xa cuu yugua (N-ca xo nani yugua yihí idu), yugua *ija*, n-ca xo xaxi-i ñayiu *ija* yugua yucu. Yucu, juá nducu-i *ija*. Yugua *ija*, n-xo cuu ndeyu-i *xihí* tndugua ditu yucu—tndugua ditu natnu *xihí* tndugua ditu cueñu. *Xija* n-ca xo xaxi ñayiu *ija*. N-ca xo xeh-i yucu. N-ca

xo xe nducu-i. Xija n-ca xo xaxi ñayiu ijä tiempü ijä. Co vitna chi ña tuuca na yugua ijä io. Yugua tcutnuu xa ca jah-i xa cuu yugua tcutnuu-jä. Yugua ijä nani berdolaja ca jah-i. Yugua ijä n-ca xo xaxi ñayiu co vitna chi ña tuuca yugua ijä, ni ndugua ditu. Vaha n-ca xio co ndugua ditu cueñu ña tuuca xija io vitna tucu. Ña tuuca. Ndihí yucu ijä na xa xija n-ca xo xaxi ñayiu ijä.

N-xeco tuu Nayiu Nuu-ro

Quihnantu ñuu-ro n-cuu ranchu Nutnuu. H se Nutnuu n-xo nani Chicu Martinez. Seija n-xee quihnantu xa n-xaja tuu-s H vehe-s. N-xani ini-s xa cuu-i H ranchu quee dH-s. Te n-xija-s nuu mee se Nutnu H santu—Ia cuu San Juaq luchi. Tuu-ia nde vitna xa n-cundee ñuhu-s-ia. Na n-daa se Nutnuu-ja tnahini xa quee dH-s xih santu-ja. Meni xa n-xo naduhu-s-ia. N-tnaha yoo naduhu-s-ia. Te n-xo xanu-s veñuhu luchi-ja. Co se Chicu, n-xaja-s anu-s xa cu-tuu-s ij te ña n-cuini-s xa nuhuca-s Nutnuu. Te n-xo tuu H-ña n-xo cuu viuda nani Sebeli Cuica. Chi cuica-ña tuini. Te ñajja n-xe Saq Juq Xatnu—Ia ndee ñuhu ñayiu ñuu-ro nde vitna. Nu n-ca xini se hica ñuu te n-ca xeé-s ñuu-ro. N-ca xe co tuu-s xa xehe xa ña yoo cuehe mee se Nutnuu n-xee Nuu-ro. Cuehe se n-ca xee.

Quiu Yo N-yuhu-da

Hi vuelta n-xéhe-da yucu xihí uuni tcachi cuechi-da. N-tatu ñaha ii ñaijá xa jihí-da xihí nchiba-ña. Nu n-xeé-da Ija náchihi tachi vicó nuhú. Ija núcoo-da, ca xaxi-da dita. Ija danaa na yoo n-daca quihí ñaha. Ngone nuu-da xa n-tñij ñaña colelu cuechi. Ija yo n-yuhu-da. N-cau-da. Ija dico n-xate-da dita-da xa n-yuhu-da. Ndójuii-da. Ija xiähä-da nuu dichi netnaha xihí-da:

—Ñaña ndeca colelu-ro juähä, nuu colelu-u a colelu-r cuu-tí, ña xini-r. Co cana tihina-u na ndixi-tí na chidonuu-tí ñañáde.

Ija dada n-cana-i tihina. Naxeé-tí.
N-chidonuu ñaha-tí. Ija n-yaha xija.

Cuni dadá, n-xino dau.

—Ca nuhu-da xa na tatnde coio-da dehua cahnu.

Ija n-quee ii teñuhu cahnu. N-quee caguani ii tcolelu. Ija xiähä-da dichi netnaha xihí-da:

—Jesús, n-quee caguani tcolelu-ro. Ña xini-r nuu tcachi-r a nuu tcachi-u.

Ija jähä dichi ijsa:

—Nu daa jah-ü yoho.
Ija dada n-quendagua-i. N-xe tnii-i doho-ti.
Xija ca yaha dichi cuechi ca xica cuhú
ija.

Dadahu-ro Triu

N-quee-da. Juaha-da xihi ngutu-da yucu.
 Jua ndoo-da xihi-ti. Ija jaha taa-da. Nehe ca-ndeca-n-ti
 ndixi na cada tniu-ro itahu chi nada juu dau te
 dangani ma cada tniu-ro. N-quida tniu-s. N-quee-da;
 juaha-da xihi ngutu-da nduu-da xihi Siquiu. Ija n-ca
 xee-da. Ija n-ca nucagua-da yucu-ja. N-ca tiu-da ñuhu
 xa maxcu yoo-da cuvixi. Ija juu dau. Ija n-ca
 ndoyo-da. Ija quiu cuu uu n-ca nanducu-da ngutu-da.
 Ija ña yoo-ti nanihi-da. Ija n-cuñucahñu. Ña n-quida
 tniu taa-da ii quiu. Jaha se cuu Siquiu xa na ndoo
 nahi-ro. Maxcu nuhu-ro juini ña n-quixee dita-ro nada
 ma nanihi-ro-ti te ma cada tniu taa-ro tnee te
 dacuita-ro quiu. Vitna ax cuyatnini yoo. Vitna ioca
 nuu dadahu-ro triu. Ija ca xehe-da xihi ngutu-da. N-ca
 xe ndoo-da xihi-ti. Niniu n-xo ndeha-da-ti xa na ña
 nde jihi-ti. Ija horani cuu-ti xa nucagua-ti te
 ndonehe-da-ti xa na caxi vaha-ti xa cuaha na cada tniu
 vaha-ti. Maxcu cuita-ti. Ija n-ca nucagua-da itahu lini.
 Danaa n-cau ñaña. Ngutu n-dayuhu ñaha-ti co
 xndeca-da ina-da. Ñatuu n-xejo ina-da xa nayuu
 ñaha-ti. Chidonuu ñaha-ti. Ija n-tuuni. Ndocoo-r. Ija

ndeaca-da ngutu-da, ju^g nuhu. Ija n-quida tniu taa-da.
Ija ndihⁱ triu, ndihⁱ triu n-dahu.

Tatnde Triu

Nehe ndocoo-ro; juahq-ro. Ija dada ndoco dihi-ro. Juahq-ña molinu chi jihq muxu nuu triu-ro. Ija n-tee-ña dita. Jandodo-ña ndeyu. N-cuu caxuu. N-quee-ña. Juahq-ña tadehñu. Ija n-cana-ña muxu-ña. N-xaxdeñu-si. Ija n-yaha xaxdehñu-s. Ija n-cuxañini-ja. Juahq nuhu coio muxu-ña. Ija quiu cuu uu ntucu ñatuuca n-xehq n-daa muxu-ja chi uuni n-ca xehq. Ija ñatuuca n-tee cuehe-ña dita xa ca nehe-ña jihq chi xacunga n-tee-ña. Ija ndihq xa n-ca xaxdeñu-s. Ija ndihq triu-ja. Diconinga n-ca xani yujq-s triu. Ija n-cuu dau. Na yoo-s n-dadahu triu-ja nailo te ndoyo triu. Ija n-cudii triu. Ija quiu cuu uu n-ca xani ndugua-s triu-ja nuu cahni. Ija nducu-s quittq n-xadi. Ija nihi-s cabayu, burru. N-xadi coio-ti triu. N-ca quida ndoo-ña triu. Ija n-ca xaxi burru-ja, cabayu-ja. Ija n-ca chiyahu-s quittq n-xadi triu.

Cuentu Se Juahä Yucu

Ija n-xee-s. Ija n-xanu-s yau xichi-ro. Ija
uhu tnanu-i. Daa ija n-quendita La Añu. Ija xiähä-s se
ija:

—¿Nudaa yau-r xanu-n?

Ija n-xiähä se xanu-ja:

Nuu ma canu-r a meen, dajunehe-n
ngutu-r.

Ija nacido-s yau-ja. Ija juä nuhu-s. Ija na
xino ndita-s Tadico, niñaha dau. Vitna ñatuu n-ca
nehe-s nailo-s. Ija n-todo ndute cata-ja yata-s. Ija
naxee-si. Ija xiähä-s ñadihi-s-ja nuu dahia-s-ja duu.

—¿Nducu-n nduxa u?

Ija xiähä dahia-ja:

—Joo, —Cuu dahia-s, xiähä-s.

—Taxi xacu na caja-r ndaha-r chi loco
cata.

Ija xiähä dahia-s:

Ña yoo yaha nuxa xa juini-n. Ija n-xiähä
dahia-s-ja nduxa.

Ija n-cuhu-si ndaha-si. Ija jandodo
ñadihi-s-ja quidi. Ija n-daquee-ña nduxa xihí yau. Ija

n-chiho yau. N-ca xaxi-ña xihi dahia-ña. Ija juaha-s.
Juaha-s quiu cuu uu. Juq nunducu-s ngutu-s. Ija daa
nanihi-s-ti. Ija n-xe ndeca-s-ti ndute. Ija ndihini.

[El lenguaje utilizado en esta edición no está vigente pero es útil como antecedente de las ediciones posteriores]

esta edición de prueba consta de 100 ejemplares

[El lenguaje utilizado en esta edición no está vigente pero es útil como antecedente de las ediciones posteriores]

**se terminó de imprimir este libro
el día 15 de septiembre de 1980
en la**

**Casa de Publicaciones en Cien Lenguas
MAESTRO MOÍSES SAENZ
Hidalgo 166, México 22, D.F.**

[El lenguaje utilizado en esta edición no está vigente pero es útil como antecedente de las ediciones posteriores]

[El lenguaje utilizado en esta edición no está vigente pero es útil como antecedente de las ediciones posteriores]